

Atuarfimmi atuartut atuannigffeqartarnerisa pilersaarusionerat pillugu Namminersornerullutik Oqartussat nalunaarutaat

Atuarfik pillugu Inatsisartut peqqussutaat nr. 8, 21. maj 2002-meersumi § 7, imm. 4 naapertorlugu aalajangersarneqarput:

Atuannigffeqarnissamik pilersaarut

§ 1. Atuartut aasaanerani atuannigffeqarnerat minnerpaamik sapaatip-akunnerinik arfineq-marlunnik sivilissuseqassaaq, inissinneqassallunilu juunip aallaqqaataata aggustillu 31-ata akornannut.

Imm. 2. Ilinniartitaanermut Pisortaqarfup inaarutaasumik misilitsittarnerit ingerlanneqarnissaat tunngavigalugu ulloq aasaanerani atuannigffiup aallartiffissaa aalajangersinnaavaa.

Imm. 3. Sapaatit saniasigut ullut uku pinngitsoorani atuannigffiussapput:

Juulliaaraq

Juullerujussuaq

Juullip ulluata aappaa

Ukiutoqaq

Ukiortaaq

Sisamanngorneq Illernartoq

Tallimanngorneq Tannaartoq

Poorskip-aappaa

Tussiarfissuaq

Qilaliarfik

Piinsip-aappaa

Kalaallit inuiattut ulluat, 21. juni

Imm. 4. Kunngit pingasut ulluanni, januaarip ulluisa arfernanni aamma Namminersornerulernerup ulluanni, maajip aallaqqaataani, atuarfiit matusinnaapput nal. 12, ullorlu ullortut atuarfusutut naatsorsuunneqartassaaq.

Imm. 5. Najukkami pissutsit aallaavigalugit atuannigffiup ullullu atuannigffissarititaasut qanoq inissinneqartarnissaannut tunngasut pisariaqartitsineq naapertorlugu isummerfiginiartariaqartassapput.

Imm. 6. Najukkami ullut atuannigffissat aalajangersarneqarneranni ullut naggataarutaasumik misiliiffissat nalerornaveersarneqartassapput.

Imm. 7. Atuarfiit ullut atuannigffissat pillugit pilersaarusiatic ukiut tamaasa Ilinniartitaanermut Pisortaqarfimmut ilisimatitsissutitut nassiuttassavaat.

Atortuulersitsinermik aalajangersakkat

§ 2. Nalunaarut manna 1. august 2003 aallarnerfigalugu atortuulersinneqarpoq.

Imm. 2. Peqatigitillugu atuarfinni atuanggiffeqarnissat pillugit Namminersornerullutik Oqartussat nalunaarutaat nr. 15, 3. juli 2000-imeersoq atorunnaarpoq.

Namminersornerullutik Oqartussat 5. marts 2003

Arkalo Abelsen

/

Lise Lennert Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut